

MODUS ABLUENDI SACRUM CHRIS-
MA POST SACRAMENTUM
CONFIRMATIONIS.

Sacerdos parato sale & aqua munda dicat:
Adjutorium nostrum in nomine Domini.

R. Qui fecit cælum & terram.

Sac. Sit nomen Domini benedictum.

R. Ex hoc nunc & usque in sæculum.

Tunc fasciam solvat & frontem confirmati defricet & abluat, dicens:

Ab omni immunditia mentis & Corporis mundet te Dominus noster Jesus Christus in nomine Patris & Filii & Spiritus sancti.

Demum dicat: Pax tecum. † Vade in pace.

Aqua ablutionis ob reverentiam Chrismatis mittatur in sacrarium.

MODUS ADMINISTRANDI
SACRAMENTUM POENITENTIÆ.

Confessarius pœnitenti benedicat dicens:

Dominus sit in corde tuo & in labiis tuis, ut benè confitearis peccata tua in nomine Patris † & Filii & Spiritus sancti. Amen.

Peracta Confessione & Pœnitentia imposita dicat:

Misereatur tui omnipotens Deus & dimissis peccatis tuis perducatur te ad vitam æternam. Amen.

Indulgentiam, absolutionem & remissionem peccatorum tuorum tribuat tibi omnipotens & misericors Dominus. Amen.

Deinde dexterâ versus pœnitentem levatâ prosequitur:

Domi-

Dominus noster Jesus Christus te absolvat: & ego autoritate ipsius te absolvo ab omni vinculo excommunicationis (suspensionis) & interdicti, in quantum possum & tu indiges. Deinde ego te absolvo à peccatis tuis in nomine † Patris, & Filii & Spiritûs sancti. Amen.

Si pœnitens sit Laicus, omittitur verbum Suspensionis.

Passio Domini nostri Jesu Christi, merita B. Mariæ Virg. & omnium Sanctorum, quicquid boni feceris & mali sustinueris, sint tibi in remissionem peccatorum, augmentum gratiæ & præmium vitæ æternæ. Amen.

Urgente necessitate & mortis periculo sufficit dicere:

Ego te absolvo ab omnibus censuris & peccatis, in nomine Patris † & Filii & Spiritûs sancti. Amen.

ABSOLUTIO AB EXCOMMUNICATIONE IN FORO EXTERIORI IN FORMA ECCLESIAE CONSUETA.

Sacerdos sedens pœnitentem coram se genuflexum in humero (si vir fuerit) usque ad camisiam denudato virga aut funiculis percutit dicendo Psal. Miserere, cum Gloria Patri &c.

Dein surgens aperto capite dicit:

Kyrie eleison, Christe eleison, Kyrie eleison. Pater noster &c.

℣. Et ne nos inducas in tentationem.

℞. Sed libera nos à malo.

B

℣. Sal-